

671.1203
074
12

天津縣志

第二冊

卷之二

星土

卷之三

地輿

卷之四

形勝

卷之五

山川

卷之六

古蹟



天津縣志

目錄

卷之一

紀

恩

兼紀
聖製及

臨幸盛典

卷之二

星土

附祥
異

卷之三

地輿

卷之四

形勝疆域

附鄉都

卷之五

山川

卷之六

古蹟

卷之七

戒池公署

附坊表驛
遞津梁

卷之八

學校

附壇廟
寺觀

卷之九

鹽法

卷之十

海防 附海道
海運

卷之十一

河渠 附漕運
營田

卷之十二

田賦 附戶口屯
田官籍

卷之十三

風俗物產

卷之十四

職官

卷之十五

職官

卷之十六

名宦

卷之十七

選舉

卷之十八

人物

卷之十九

列女

卷之二十

藝文

文

卷之二十一

藝文

文

卷之二十二

藝文

詩

卷之二十三

藝文

詩

卷之二十四

雜記

天津縣志目錄

終

天津縣志卷之二

星土志

附祥異

星土見於周禮春秋左氏傳載梓稗諸人以此占其國妖祥悉應皇甫謐遂謂其法始於黃帝史遷班范以來代加詳焉蓋占驗家數非周公建保章本義紫陽朱子云在地之位一定不易在天之象轉運不窮則諸家之說不過約畧彷彿而已非如大地之上此疆彼界確有定限也是豈容以臆見測第地志凡例向有此卷則不敢獨刪謹據見於經史者載之於編仍以諸家議論附之以明任理

任數之辨其識緯諸說槩不敢錄志星土

十二次占

周禮春官保章氏以星土辨九州之地所封封域皆有分野以觀妖祥鄭元注析木燕也

帝王世紀天地設闢未有經界之制三皇尚矣諸子稱神農之王天下也地東西九十萬里南北八十五萬里及黃帝受命始作舟車以濟不通乃推分星次以定律度自婺女八度至危十六度元枵之次一名天黿於辰在子謂之困敦於律爲大呂斗建在子今齊分野自胃七度至畢十一度曰大梁

之次於辰在酉謂之作噩於律爲姑洗斗建在辰
今趙分野自尾十度至斗七度百三十五分而終
曰析木之次於辰在寅謂之攝提格於律爲應鍾
斗建在亥今燕分野

史記天官書角亢氐兖州尾箕幽州虛危青州昂畢
冀州

史記正義星經角亢鄭之分野兖州尾箕燕之分野
幽州須女虛齊之分野青州胃昂趙之分野冀州

漢書
同

晉書天文志自軫十二度至氐四度爲壽星於辰在

辰鄭之分野屬兗州自尾十度至南斗十一度爲
析木於辰在寅燕之分野屬幽州自須女八度至
危十五度爲元枵於辰在子齊之分野屬青州自
胃七度至畢十一度爲大梁於辰在酉趙之分野
屬冀州

隋書地理志自軫十二度至氐四度爲壽星屬兗州
自胃七度至畢十一度爲大梁屬冀州自尾十度
至南斗十一度爲析木屬幽州

唐書地理志關內道河北道古幽冀二州之地漢河
同魏勃海清河平原常山上谷涿漁陽右北平遼

西真定中山信河間廣陽等郡國又參有本郡河
水上黨鉅鹿之地孟懷澶衛及魏博相之南境爲
媿訾分邢洛惠見冀深趙鎮定及魏博相之北境
爲大梁分滄景德爲元柺分瀛鄆幽易涿平媯檀
薊營安東爲析木分

長蘆鹽法志滄州入箕一度於州屬幽於國屬燕於
時屬寅於宮屬人馬於星屬析木介於大梁元柺
之間爲北紀之窮居天之艮而箕列天漢有津梁
之義北八場自興國至於歸化有附滄州天津靜
海者有附寶坻豐潤者有附灤州樂亭撫寧者雖

俱隸幽燕之境而有箕尾之別今考各州縣志則
與國富國豐財三場箕度也

與國富國二場在鹹水沽豐財場在葛沽

諸星占

史記天官書北斗七星用昏建者杓杓自華以西南
夜半建者衡衡殷中州河濟之間平旦建者魁魁
海岱以東也東井西曲星曰鉞鉞北北河南南
河正義曰南河三星北河三星夾東井南北而爲
戒秦之疆也候在太白占於狼弧吳楚之疆候
在熒惑占於鳥衡燕齊之疆候在辰星占於虛危
宋鄭之疆候在歲星占於房心晉之疆亦候在辰

星占於參罰及秦并吞三晉燕代自河山以南老
中國中國於四海內則在東南爲陽陽則日歲星
熒惑填星占於街南畢主之其西北則胡貉月
諸衣旃裘引弓之民爲陰陰則月太白辰星占於
街北昴主之故中國山川東北流其維首在隴蜀
尾沒於勃碣是以秦晉好用兵

後漢書天文志璇璣者謂北極星也玉衡者謂斗九
星也玉衡第一星主徐州第三星主冀州常以五
戌日候之甲戌爲魏郡勃海丙戌爲安平戊戌爲
鉅鹿河間庚戌爲清河趙國壬戌爲恒山凡八郡

第五星主兖州常以五辰日候之甲辰爲東郡陳留丙辰爲濟北戊辰爲山陽泰山庚辰爲濟陰壬辰爲東平任城凡八郡第八星主幽州常以五寅日候之甲寅爲玄菟丙寅爲遼東遼西漁陽庚寅爲上谷代郡壬寅爲廣陽戊寅爲涿凡八郡

晉書天文志北斗七星魁四星爲璇璣杓三星爲玉衡又曰斗魁第一星曰天樞二曰璇三曰璣四曰權五曰玉衡六曰開陽七曰搖光一至四爲魁五至七爲杓一主秦二主楚三主梁四主吳五主燕

六主趙七主齊

隋書天文志九坎東列星北一星曰齊齊北二星曰趙趙北一星曰鄭鄭北一星曰越越東二星曰周周東南北列二星曰秦秦南二星曰代代西一星曰晉晉北一星曰韓韓北一星曰魏魏西一星曰楚楚南一星曰燕尾亦爲九子箕亦曰天津

宋史天文志三台六星上台上星主兗豫下星主荆陽中台上星主梁雍下星主冀下台上星主青下星主徐天市垣二十二星在氐房心尾箕斗內宮之內東蕃十一星南一曰宋二曰南海三曰燕四曰東海五曰徐六曰吳越七曰齊八曰中山九

曰九河十曰趙十一曰魏西蕃十一星南一曰韓
二曰楚三曰梁四曰巴五曰蜀六曰秦七曰周八
曰鄭九曰晉十曰河間十一曰河中越星在婺女
南鄭一星在越北趙二星在鄭南周二星在越東
楚二星在魏西南燕一星在楚南韓一星在晉北
晉一星在代北代二星在秦南齊一星在燕東

宋史天文志北方南斗六星南極者魁星也北星者
杓也第一主吳二會稽三丹陽四豫章五廬江六
九江東宿六星第三星主南粵須女四星占越分
天津九星在虛宿北橫河中奎宿日食魯國凶